

西  
巡  
大  
事  
記

西巡大事記卷八

光緒二十七年四月至五月

目錄

李鴻章致樞垣與各使議賠款總期付利抵本年限略寬電

四月初六日

李興銳致樞垣贛省財匱賠款不能遽定請辦印花稅電

初六日

李鴻章致樞垣丁稅有礙主權且搖動人心萬不可行電

初六日

劉坤一致樞垣丁捐恐生事端請試辦串票並印花稅電

初六日

袁世凱致樞垣魯省整頓鹽課歲可得七十萬俟議妥奏聞電

初七日

張之洞致樞垣英參贊詢賠款辦法答以須減數減息寬期電

初八日

奕劻李鴻章奏按照和議總綱擬改總署爲外務部摺

初八日

軍機處致全權大臣英允勸各國減息並外洋食用物納稅電

初八日

奕劻李鴻章致樞垣各使不允減數請迅定賠款可速撤兵電

初九日

軍機處致全權大臣奉旨設立政務處電

初九日

崑岡等奏京城洋兵將撤預籌保衛片

初九日

盛宣懷致樞垣賠款事俄領事請全權力持定見電

初十日

張之洞致樞垣賠款以商懇減息爲要義電

十一日

張之洞致樞垣薩使云賠款不可令各國公保恐干預財政電

十一日

盛宣懷致樞垣俄謂賠款尙有暗虧電

十一日

張之洞致樞垣若戶口清警察設則印花稅可行電

十二日

劉坤一致樞垣傑彌遜所言賠款數目請質薩使電

十三日

李鴻章致樞垣賠款遞年還本便可減息電

十三日

張之洞致樞垣傑彌遜謂洋貨按時價加抽可增千餘萬電十四日

盛宣懷致樞垣賠款諭旨但允總數餘由樞電商酌較活動電十四日

軍機處致盛宣懷常稅釐金若歸關收恐啟干預須斟酌電十四日

奕劻李鴻章致樞垣各國謂賠款定即撤兵請速斷電十五日

軍機處致全權大臣償款照允四釐息三十年攤還電十五日

李鴻章致樞垣德允認息四釐即撤兵英美法均不願再減電十六日

徐卨等奏請速回鑾以期固結人心摺十八日

奕劻李鴻章奏德使照會如派醇王使德當優禮接待電十八日

劉坤一致樞垣賠款已有俄款在內德兵將撤俄亦應撤電十八日

盛宣懷致樞垣賠款確數已飭轉向各使館查明電十九日

奕劻李鴻章奏比使請飭地方官保護蘆漢鐵路電二十二日

奕劻李鴻章致樞垣京城各使館留護兵未設礮臺電二十四日

軍機處致李盛鐸請謝日本近衛公爵指陳時局書函二十四日

楊儒奏與俄人議約旋又停商謹陳先後辦理情形摺五月初二日

奕劻李鴻章致樞垣報德館送來賠款表請核示電附表初四日

張之洞致樞垣賠款每年帶還本銀方爲不合算請勿遽允電初六日

軍機處致全權大臣賠款受虧實甚請先商抵款電初六日

盛宣懷致樞垣各國覬覦鑛路請飭籌抵制電初七日

奕劻李鴻章致樞垣商約未必利我至箝制教燄亦無把握電初七日

劉坤一張之洞致樞垣賠款如每年多籌四兆所省實多電初十日

劉坤一致樞垣請以蔡鈞接任駐日公使電十一日

軍機處致全權大臣請電增祺商俄官繳還軍火以便剿匪電十二日

奕劻李鴻章致樞垣請詢江鄂所擬多還四兆辦法擬指何款作抵

電十三日

軍機處致全權大臣賠款如每年多還數兆似不至多勒抵款請婉

商電十四日

增祺奏壽長構釁奉旨革職應商俄使放回自辦摺十六日

奕劻李鴻章致樞垣賠款各國視同歲收倘拖欠彼必索抵電十七日

劉坤一張之洞致樞垣各使覲見請阻用黃轎電十八日

劉坤一致樞垣日領謂俄索喀什噶爾是否確實乞示電十八日

劉坤一致樞垣聞意國欲佔三門灣請整頓海防電十九日

奕劻李鴻章致樞垣各使覲見允用綠轎黃繡電二十日

軍機處奏蓋造洋房供各使覲見須另備皇太后燕息之所片二十日

黃槐森致樞垣勘定南寧開埠地點並籌款辦法電二十二日

李鴻章致樞垣俄約爲江鄂所阻無從商令撤兵電二十三日

軍機處奏遞各省督撫籌畫賠款開單呈覽摺二十三日

劉坤一致樞垣俄既同索款亦應同撤兵請全權勿再偏執電二十日

奕劻李鴻章致樞垣俄約不畫聞蒙古投誠於俄電二十七日

西巡大事記卷八

黃巖弢夫王彥威輯

男希隱亮編

孫孝章敬立校

光緒二十七年四月初一日 駐蹕西安府城

軍機處奏本年恩正併科鄉試據廣東廣西雲南貴州河南甘肅六省  
先後電覆均可舉行除請緩各省經張百熙條奏復降旨詢問俟覆到  
再行具奏摺

初二日 駐蹕西安府城

懿旨京師自上年兵燹後官民均形困苦業經令戶部先後兩次籌給



津貼銀兩以資接濟現在爲日已久艱窘情形深宮益深軫念所有在京王公百官加恩著按季俸賞給五成實銀旗綠各營兵丁加恩著賞給一月錢糧其候補無俸官員實在當差得力者著一體加恩由留京王大臣會同戶部查明分別酌給

初三日 駐蹕西安府城

上諭雲南巡撫著李經羲調補丁振鐸調補廣西巡撫

初四日 駐蹕西安府城

旨寄丁振鐸據奏滇省上年教案尙有被毀教堂三處該領事藉端勒索現在和局將定著該撫商同李經羲極力維持毋令橫生枝節

初五日 駐蹕西安府城

李鴻章致  
李鴻章與各  
使議賠款  
總期付利  
款本年限  
略寬電

軍機大臣會同六部議覆留京吏部奏變通銓選章程摺

旨所駁甚是辦法亦平允著依議行前諭將書吏積弊剔除各部照此奏一律辦理

左春坊左庶子徐琪奏請設商部分爲十四司辦理公事摺

初六日 駐蹕西安府城

李鴻章電信 英薩使所擬每年付款二千六百萬三十年本利全清

雖總計付息較少但財力實難周轉查俄法各債須光緒六十九年始能還清若添新債過多無法騰挪今日與專辦賠款之法英德各使會議告以每年還一千五百萬分五十年前三十年付本後二十年還利各使謂欠利太久不能行旋以四十年清還每年付二千零四十餘萬

辦法與商並以表示之照表分年攤算前十年雖付利較少後三十年本少利減而所付銀數仍同以後補前各國並不喫虧各使云前十年少付之利應再加利告以利上加利不可行伊云有一辦法四十五年清款明早籌一表來許以送到時再議總以付息抵本年分略寬財力得紓而總計數目仍不過鉅爲要當力與磋磨少一分即少一分之害請代奏

旨電奕劻李鴻章來電擬調馬玉崑八營於洋兵撤時來京彈壓地方現在近畿不靖著馬玉崑先酌派數營赴順德趙州一帶屯紮就近赴保定正定等處剿匪其餘各營歸李鴻章節制調遣程文炳所統援軍計已遣散宋慶著統率所部赴河北一帶駐紮

李興銳致  
樞垣鑒省  
財匱賠款  
不能遽定  
請辦印花  
稅電

贛撫李興銳電信 昨奉電傳三月十五日奉旨各國索賠四百五十兆爲數過鉅著各督撫各就地方情形悉心籌議以期湊集抵償迅速電奏等因欽此查江西每年實徵丁漕正耗釐稅連歷年籌餉節費奏提各屬平餘銀盈餘等項約共進款項三百六十萬每年撥解京協各餉內務府鐵路邊防各經費及洋債鎊價暨解京漕折等共款亦約三百五六十萬出入相抵已無所餘而本省綠營汛陸各軍糧餉及坐支廉俸部飯役食解漕脚費連外銷之科場經費辦公緝捕津貼薪水夫馬飯食一切零星款項合計尙須二百萬每年挹彼注茲已極支絀加以上年北方有事添撥直隸山陝及程軍月餉解京米價又五十餘萬尤覺庫空如洗興銳督商司道擬將上年添募各勇概行裁汰并節省

一切浮費約可省四十餘萬然所短仍不下百六十萬又擬將漕釐稅  
 逐一整頓進款或可增十數萬但積疲已久頭緒紛繁釐剔匪易目前  
 尙不能遽定此皆江西實情至此次各國賠款事關大局無論如何爲  
 難均當先其所急容俟奉文指撥若干再行隨時籌解斷不敢以無款  
 可籌稍事諉延然興銳竊有慮者近年各省匱乏情狀大致與江西無  
 殊此次賠款約計三四十十年之內連行息鎊價非歲籌二三千萬不能  
 應付縱使目前極力撙節無非挖肉補瘡非急籌開源之法難可有濟  
 興銳現拜發條陳教務摺內有請設銀行製銀紙飭圖法辦保險四事  
 似皆理財要務此外尙有印花稅若各省一律舉行不難驟盈千萬鉅  
 款但此事取諸商民較爲煩重不如前四事易行可否請旨飭部籌議

李鴻章致  
有礙丁稅  
且搖動人  
心萬不可  
行電

逐款興舉以裕度支伏乞代奏興銳謹電呈江印

初七日 駐蹕西安府城

李鴻章電信 攤稅入丁謂之丁稅康熙時有永不加稅之詔今因籌款之故籌議及此竊恐丁冊無徵徒滋擾累老弱轉於溝壑丁壯流爲盜賊爲禍何可勝言從前赫德本有此議德使亦曾問及彼蓋爲賠款抵償地步豈爲我謀理財且若辦丁稅洋界及教民萬辦不到是直驅民從教爲叢驅爵耳各使氣燄方張辦事十分棘手鴻章每有陳請均迫於勢無如之何內省彌疚若彼欲開辦者我即依之開辦自主之權全然廢棄何以爲國國家貧弱如斯理財本不易言然亦惟俟回鑾後人心大定徐思良法若急於求財非撙克即聚斂人心一散大局動搖

劉坤一  
致  
丁  
端  
捐  
恐  
生  
事  
請  
試  
辦  
票  
並  
印  
花  
稅  
電

公等亦曾任封圻試思州縣辦理此等事靠得住否鄂督所陳萬不可  
行請鈞裁

劉坤一電信

和局漸定賠款繁重但就舊款騰挪無論如何裁節斷  
難支持非另籌新項不可本朝深仁厚澤聖聖相承永不加賦垂爲令  
典鄂督東撫仰體此意爰於無可設法中思及丁捐之一策具見籌畫  
苦心惟據李使電德外部稱丁捐恐別生事端且中外情形不同將來  
造冊籌定捐數亦苦無所憑藉計惟有捐輸與印稅相輔而行雖稅則  
未便過重集款不如丁捐之鉅辦理較易措手查印花稅一項外洋爲  
大宗進款中國現議仿行所有釐金等項未可遽更舊章若於釐金外  
行印稅莫如先就各項票據試辦串票爲完糧之據加貼印花稅票各

袁世凱致  
樞垣督省  
整頓鹽課  
歲可得七  
十萬俟議  
妥奏聞電

省一律照辦餘如田房稅契捐官執照以及匯票提單等項凡執以作憑者均可仿辦惟當票多係貧民免貼稅票以示體恤約略計算每年可得千萬之譜有裨時局匪淺如鈞處謂然請旨飭下戶部查照各國印稅章程參酌妥善通行照辦明知民力艱難不忍稍事剝削然時勢危急宵旰憂勞天下臣民涵濡德澤二百餘年當能共諒其串票一項仍俟洋債還清即行免抽印稅以示限制是否有當伏祈裁酌坤微

袁世凱電信 旨諭籌款東省濱海五府就地煮鹽而淮鹽灌其南蘆鹽灌其西北本地之鹽本已疲困從前丁寶楨極力籌措歲得三十萬近年加課加價約添二十萬現擬就鹽務設法竭力整頓或可再得二十萬合之前款歲可得七十萬以抵償款之用惟東省之鹽有官辦商



辦委員辦地方官辦各項名目繁多瑣碎不易整頓惟有督飭妥議良法再行奏聞

初八日 駐蹕西安府城

張之洞致  
樞垣英參  
贊詢賠款  
辦法答以  
須減數減  
息寬期電

張之洞電信 英參贊傑彌遜奉薩使命自京來見兩次商賠款事問鄂省意見答以中國力竭須減數減息寬期傑云英深知中國情形不願竭盡中國財力商辦語甚多昨日接薩使覆電云按原數四百五十兆四釐息不能減亦不索現銀改爲三十年攤還每年應攤還二千六百萬兩洞查西人計算本息表內數目相符恐其照薩使前說減息爲三釐三毫或三釐半傑云英輕息可借他國不能借英當勸各國或能略減然不能定又商加稅事傑述薩使云除洋藥不加外可加至值百

抽十按貨本運費鎊價核實合成銀數並云有數種向無稅今可納稅  
蓋指洋人自用物而言但須進口洋貨出口土貨釐金全免問鄂省以  
爲可行否答以鄂省一人私見以爲可行蓋約計洋關稅加至抽十歲  
可增一千六百萬兩以外進口洋釐出口土釐約計六七百萬兩兩釐  
均免關稅必旺必可歲增一千萬至出口土貨免釐乃富民勸工之本  
原爲外國通商之要義各國出口土貨大概無稅在我本當舉行今藉  
以增加關稅更爲有益傑又問抵款事歷舉鹽漕常稅等項答以加稅  
約抵一千萬鹽課釐約一千一百萬如息略減所差不多當另籌惟鹽  
務只可作抵斷不能交外國人代辦此乃干預我財政傑述薩使云不  
必交外人代辦英不願干預中國財政言之再三語甚明確傑又云加

稅事牽涉釐金且關涉通商行船新章猝難議定此時不能以此作抵答以只須查明確係進口洋貨出口土貨即免抽釐一言可決有何難議傑又云常稅可交海關代辦否答以常稅亦只可作抵不能交海關代收蓋中國常稅船鈔子口分卡甚多皆在內地遠者或至數十里外若稅司代收多與民人交涉局卡紛繁即是干預我內政湖北三洋關皆無常稅此乃爲大局計傑力辯乃爲我謀生財非干預洞仍堅持敝處問各節已告全權否傑云渠出京時未告全權此時不知已託傑將各節電覆薩使並懇減息傑今日東下見江督竊謂總數四百五十兆一節恐難商減然較前說九百兆之數已省一百二十兆利息一節若能減息半釐歲可省二百餘萬薩使既略有活動語氣只可姑與一商

奕劻李鴻章奏按照  
和議總綱  
擬改總署  
爲外務部  
摺

並託美國調停洋關抽十免釐一節管見以爲此是善政彼此有益但不知各省意見如何加稅作抵一節如能再與切商照允庶免羅掘無術鹽務作抵一節旣言明由我自辦似可作抵至常稅交海關代收一節萬不可行惟必當認真整頓此因薩使來詢故就管見答之應請樞廷與全權裁奪籌商代奏之洞遇辰

全權大臣和碩慶親王臣奕劻大學士直隸總督臣李鴻章奏爲按照和議總綱擬改總理各國事務衙門爲外務部恭摺仰祈聖鑒事竊查上年十一月奉旨批准和議總綱第十二款內開總理各國事務衙門革故更新其如何變通之處由諸國酌定中國照允施行等語屢經各使公推承商此事之美使柔克義日本使小村壽太郎前來商酌茲據

領銜使臣日使葛絡幹照會以各使公商擬請將總理各國事務衙門改爲外務部冠於六部之首管部大臣以近支王公充之另設尙書二人侍郎二人尙書中必須有一人兼軍機大臣侍郎中必須有一人通西文西語均作爲額缺予以厚祿覈其所擬堂官共有四人足敷辦事之用各使每言西國外部祇一正一副至多兩副今於管部下擬設尙書侍郎各二已較各國爲多若再增加必至發言盈廷遇事推諉商辦要務轉致需時所論尙爲切要其所以請用王公管部者雖各使欲借以自重而交涉事務修好興戎所關甚鉅以親信重臣當之與國家休戚相關自不至輕心誤事況總理衙門本有親王兼管係屬舊例似可照行外務部冠六部之首係倣西洋各國成式至請將外務部諸臣予

以厚祿俾得專心辦公亦尙近理如蒙俞允將外務部堂官定爲額缺其章京等亦應分設數司倣照六部司員之例即於總理衙門章京內選派開去原衙門差缺改爲外務部司員將來應如何考充升轉並籤分學習之處應請旨敕下督辦政務處大臣會同吏部妥議具奏司員如何分任職事各使原不過問惟必須豫爲部署庶幾一經改章堂司俱備規模整肅免致再被刺譏日使原文多有費解之處是以未經全紋摺內除將原照會鈔錄咨送軍機處備查外所有議改總理各國事務衙門爲外務部緣由理合恭摺由驛具奏伏乞皇太后皇上聖鑒訓示謹奏光緒二十七年三月二十六日發四月初八日奉硃批着交政務處及吏部速議具奏

軍機處致全權大臣英允勸各國略減及洋關抽十撥實鎊價並向無稅之洋食用物可納稅但須免釐一免一加

奕劻李鴻章致樞垣

軍機處致全權大臣電信 頃接鄂督遇電言與英參贊傑彌遜晤商各節已另由盛宗丞轉京諒已達覽所商減息英允勸各國略減及洋關抽十撥實鎊價並向無稅之洋食用物可納稅但須免釐一免一加可歲增鉅款英既有活動口氣自應趁此切商鹽務由我自行整頓既稱英不願干預中國財政不交外人代辦自可作抵常稅不便交海關代收所有各節應請尊處與各使切實商論如將加稅作抵一層再能商允更好更請婉商寬展一二十年則財力可少紓現在期限已迫務望從長規劃迅速商定電覆爲盼樞庚

初九日 駐蹕西安府城

奕劻李鴻章電信 賠款一事養電所擬辦法因海線斷得覆少遲各

各國不允  
減數請迅  
定賠款可  
速撤兵電

使催急即照前議繕發減數屢晤各使竭力商酌均不肯允美使所稱  
三萬萬一千萬據云屢商各國不允似美廷借此討好並無實在把握  
頃聞各使會議已有照會適德穆使過晤與談減數彼云美兵少且早  
撤故允減別國斷不能比必以四萬五千萬爲定數若遲則兵費須加  
我們可先密商倘貴國允定賠款四萬五千萬加息四釐但有諭旨爲  
憑德國必撤兵各國亦必隨撤嗣後如何分年酌還本息可徐商辦法  
如無現銀改給股票德可允從他國現尙未議及此然英美已默許現  
議撤兵節令正好若交炎暑便不能撤須遲至九月十月以後又須多  
添兵費爲中國計實不合算問以將此議照覆德兵先撤不至失信否  
穆謂我可擔保鴻等昨晤瓦帥亦盼賠款速定可速撤兵穆去而領銜



葛使照會已至據稱所擬按月攤還總數僅足賠款之本並未算及利息應請再行酌核將中國國家於此事如何主見從速示覆等語雖虛渾其詞與穆使面稱各節相符今兩宮急盼撤兵方議回鑾若不速定主見瓦帥及德兵不肯先撤各國必更觀望遲一日則多費百萬至秋後須多賠一百餘兆德使既輸誠於我不宜過與磋磨致誤機會乞速代奏覈准施行奕劻李鴻章陽戌

旨寄奕劻李鴻章陽電悉各國賠款共四百五十兆四厘息著即照准以便迅速撤兵惟中國財力僅有此數務須將本利核定總數寬展年限力與磋磨爲要

軍機處致全權大臣電信 奉旨設立政務處昨已刊給關防現在中

奉旨設立  
政務處電

崑岡等奏  
京城洋兵  
將撤預籌  
保衛片

外條覆甚多若不趕緊急辦詳加商議分別去取請旨遵行恐有積壓之虞敝處現擬派樊增祥徐世昌孫寶琦及軍機章京陳邦瑞郭曾忻經理其事尊處如張佩綸于式枚等皆可派入此外如有閎通明達之員儘可挑派早日電告以便合龍電奏請旨伏惟亮察此外一切章程當擬好就商

崑岡等片 再臣等前因京中土匪乘機竊發搶劫之案層見疊出當各國兵隊分段駐紮此輩尙復明目張膽毫無忌憚一日洋兵盡撤誠恐土匪勾結亂民餘黨再肆紛擾當於上年十二月初九日咨商全權大臣慶親王奕劻大學士李鴻章暨步軍統領衙門順天府五城御史於洋兵未撤以前當豫籌徵兵保衛之法旋經咨覆各在案嗣聞慶親

王奕劻大學士李鴻章會請飭調山東巡撫袁世凱武衛右軍三千餘人專駐內城地面並請調馬玉崑所統八營分紮四路各廳以資聯絡等因當經奉旨允准臣等擬請飭下該軍務選節制之師令帶兵各員嚴申紀律勿蹈軍營騷擾積習庶都城灰燼餘生得獲保全矣臣等爲肅清畿甸支撐大局起見謹附片陳明伏乞聖鑒謹奏光緒二十七年三月二十五日發四月初九日奉旨

初十日 駐蹕西安府城

盛宣懷電信 俄領事面稱俄賠款連商民共七千六百萬兩聞總數四百五十兆各國商民教賠款均在其中比較甲午只多一倍似難商減惟有四端須請全權力持定見一分立債約交與各國國家其商民

盛宣懷致  
俄領事  
事俄領事  
請全權力  
持定見電

賠款若干即由該國轉給二各國如有需用現銀者請該國自籌中朝萬難再向銀行借款免受現扣重利之害三各使對那徐周言每年一千五百萬兩則須六十年方能攤完雖仍合九百兆利不及三釐似以此法爲最輕便京電又云按四釐算每年須納利一千八百萬兩彼原請每年還一千萬兩三十年完計周息三釐三毫四釐之說似可不允四抵款萬不可推諉全權所告鹽課釐一千萬常稅三百萬釐金二百萬除常稅應歸海關併收外課釐仍援前案各省交海關轉給不致干預財政此最簡捷南洋不願指鹽但慮其干預耳至加稅事將來必可辦到必能暗抵此次賠款宣不敢請在此時輕發者恐受其挾弄耳南皮宥電謂爲數甚微反礙以後議加地步一語破的萬分欽服宣懷庚

軍機處致全權大臣電信 償款正數已奉旨允准惟息銀仍請照前  
電本息併計九萬萬合息三釐三毫商辦爲要且英參贊與鄂督言英  
薩使有略可減息之語俄領事有不須四釐之言似尙不難就範即按  
此數若卅年攤還每年需銀三千萬實屬財力不及惟有每年勉籌二  
千萬展寬年限至本利還清之年爲止較爲妥善德國旣允償款定議  
即可撤兵今正數照允能將減息寬期緩商先請撤兵爲妙再俄德兩  
國皆稱償款係併商民教賠款在內將來償約自應註明諸賴大力勉  
爲其難設法磋商早日定局爲禱再此次直境洋兵各處勒索銀錢爲  
數甚鉅德兵官曾有可歸入償款計算之言可否於定議時將此層聲  
明將來查明作抵亦可少紓財力並祈留意酌辦樞蒸

張之洞致  
樞垣賠款  
以商懇減  
息爲要義  
電

## 十一日 駐蹕西安府城

奕劻李鴻章電信 賠款減息一節或云可減爲三釐半穆使謂各國  
借債總在四釐上下日本已六釐是四釐斷不肯少英薩使亦持此論  
且謂不折不扣已算便宜難再磋磨幸勿爲浮言所惑致誤事機請代  
奏奕劻李鴻章卦

張之洞電信 青電祇悉賠款四百五十兆四釐息三十年攤還每年  
應攤二千六百萬零二萬三千五百兩係先按利隨本減辦法算出後  
再分三十年勻攤合得此數西人有算定各等利息之表息幾釐分幾  
年一還每年攤幾何印有成書敝處查閱無誤因款鉅故零數未開若  
分四十年查表每年應攤二千二百七十三萬四千兩總數合九百零

九兆有奇分五十年查表每年應攤二千零九十四萬七千五百兩總數合一千零四十七兆有奇英參贊本言按五十年攤還每年還二千零九十四萬有奇鄙意嫌總數太多後數日薩使電改爲三十年攤還每年二千六百萬查表相符故據此上聞此皆出自薩使之意敝處但答以當商政府及兩江並未置可否遇電所謂英使有活動語氣者專指減息而言若二千六百萬之數只可商減不至再增息減則每年不須二千六百萬矣若肯減息則多攤年限方爲有益故今日惟以商懇減息爲要義至各國分寫債票薩使已言之合併聲明再各國宜總議不宜分議若分議將來於俄約有礙至要之洞肅佳

張之洞電信 傑彌遜述薩使言賠款不可令各國公保恐干預中國

云賠款不可令各國公保恐干預財政電

盛宣懷致樞垣俄謂賠款尙有暗虧電

財政故特遣該參贊來商不索現銀各國分寫債票之法此係要語特補達再若分五十年每年還二千零九十四萬餘兩本利共一千零四十七兆有奇即是四釐息傑彌遜面言查表符合前佳電已詳傑並言此係每年以一千八百萬兩作爲付四釐之息其餘係以半釐有零還本等語西人算法精密彼自以爲四釐我不可以爲二釐半也若誤認重息爲輕息此語一出外人藉此將錯就錯仍按四釐算足矣萬分緊要傑現在金陵見江督一切必已面談請鈞處電詢之洞肅卦亥上諭工部尙書瞿鴻禨着在軍機大臣上學習行走

盛宣懷電信 查賠款四百五十兆俄英比法鐵路賠款在內惟俄領事云俄國暗虧之款尙須歸東三省另議此最有關繫頃算明賠款四



張之洞致  
樞垣若戶  
口清警察  
設則印花  
稅可行電

百五十兆息四釐分四十八年還清共息七百二十三兆連本一千一百七十三兆每年還二千四百四十萬七千五百兩如每年還二千萬則年更長息更多矣

## 十二日 駐蹕西安府城

張之洞電信 光緒二十二年總理衙門曾電各駐使譯鈔各國印花稅章程英法德俄日本各欽使皆已鈔送總理衙門甚確洞亦函託各使鈔寄湖北故亦有之總理衙門現已交還案卷毫無遺失損壞惟房屋略損請鈞處電京城總理衙門檢出飛寄西安行在較速不必候外洋也中俄密約亦可屬照鈔分寄尊處目前尤爲急需英印花稅章程最詳明上海有印本湖北亦有當即先飛寄奉覽至印稅一事中國籌

餉自可舉辦敝處覆奏亦有此條惟印稅門類甚多商務一類與釐稅有干涉行印稅卽可以代釐金及常關稅印稅若行卽須酌免釐金常稅除抵釐稅外所贏不能甚多但省留難並中飽或略少耳至各國印稅大宗鉅款全在產業契據票卷執照英印稅歲入二四兆鎊有奇而遺產稅八兆餘此二項中國雖辦不能甚多契約稅二兆餘此一項與向來田產稅契有干涉此外數皆不鉅若股票匯票期票之類華商錢少抽稅卽不能多蓋印花稅一事西人解其義曰此銀錢稅耳外國商富民饒產業值價貴銀錢來往多故抽稅鉅中國商貧民苦則抽稅微此理之顯然者此事頗繁密初辦亦甚煩擾隱匿轉轄一二年內斷不能多二年以後當可較旺此等事仍須從畫城鎮鄉村細圖查戶口設

警察起若細圖成戶口清警察設則印稅可行丁捐更可行矣

十三日 駐蹕西安府城

劉坤一  
致  
傑  
彌  
遜  
所  
言  
賠  
款  
數  
目  
請  
質  
薩  
使  
電

劉坤一電信 全權文電賠款四百五十兆兩息四釐已奉旨照准如何分年籌付及以何項作抵尙待商酌傑彌遜無權議事在鄂所言不可信應由尊處酌量答覆云現覆以傑對鄂言分三十年攤還四釐息每年還二千六百萬零共還七百八十兆零係憑薩使所電之數傑來敝處更有薩使照會敘明第六等條應行議辦之端現派傑參贊代本國國家暨本大臣前往江寧面商該員與本大臣時相函電所囑代商各件請推誠論說如有擬辦之端亦祈明告寄京等因是傑來確有商辦之據所言還數與鄂電同再三詢商謂確實無錯且將共還七百八

奕劻李鴻章致樞垣  
賠款遞年  
還本便可  
減息電

十兆零總數筆之於書自應將傑言之數質於薩使已先後電達乞核辦云合電聞坤一錫

奕劻李鴻章電信 奉蒸電旨謹悉查按三十年以賠款四萬五千萬周息四釐核算計共息銀五萬四千萬各使前擬按一倍加息四萬五千萬較可省銀九千萬故合三釐三毫有零之數然此數呆板算法若於付款之法及每年設法挪展雖認息四釐將來所付息銀至清款時轉可少於四萬五千萬之數則本息總計尙可不至九萬萬英薩使曾告徐壽朋言每年付銀二千六百萬三十年本息可以清款總計共銀七萬八千萬較原擬九萬萬已少一萬二千萬總之遞年付本便可遞年減利付息之多寡視所付之本爲衡宜核算總數大處落墨僅於毫

末問爭之無益也今午派徐壽朋往見德穆使遵旨與商減息穆稱按現在各國借債四釐已減讓到家萬難再減告以英參贊傑彌遜在湖北與張之洞面稱三釐半可商辦英既可商德亦可減少穆稱未聞薩使談及此言不可信又稱瓦帥已奉本國政府訓條料理撤兵專候中國認利准信以定行止伊亦奉到訓條四釐一毫不能減如欲商議則撤兵之期必改遲交盛暑即不能撤又與商及付款年期辦法穆謂此可從容商議刻下撤兵之事最關緊要一言可決在四釐允與不允而已專候諭旨無煩多言等語查德提督瓦德西爲聯軍統帥德兵在直隸最多各國兵皆視德軍爲轉移德兵不撤各國兵皆觀望再遲數月非但兵費須增難免不生枝節英美德均稱息非四釐不可傑彌遜所

張之洞致  
樞垣傑  
遜謂洋貨  
按時價加  
抽可增千  
餘萬電

言似係隨口敷衍輕信必至誤事撤兵一節爲兩宮回鑾遲早所繫亦爲國家安危大局所關且於畿輔數百萬生靈苦樂大有關係且洋兵在境於官軍剿匪農民耕種均有妨礙仰祈聖明宸斷俯准所請大局幸甚請代奏電覆奕劻李鴻章真

### 十四日 駐蹕西安府城

張之洞電信 英參贊傑彌遜來言進口洋貨加三抽十土貨加三抽五當年定稅則時土貨價賤今物價貴所抽實不及百分之五可按時價加爲抽五等語查洋貨稅六百餘萬加洋人日用食物約百萬共七百萬洋貨實止抽二若按磅價折銀抽十是加七抽歲可增一千四百三十萬土貨約九百萬按今物價實止抽四抽二若加至抽五是加二

盛宣懷致  
樞垣賠款  
諭旨但允  
總數餘由  
樞電商酌  
較活動電

抽有奇歲可增二百三十餘萬兩項可加至一千七百萬除抵免進口  
出口釐六七百萬實可增千萬之數

盛宣懷電信 現屬通商銀行核算四百五十兆第一年息銀一千八  
百萬若付二千萬祇能還本二百萬算至十年已須付銀一百七兆之  
多莫如與說明賠款四百五十兆給息銀五百五十兆共一千兆分五  
十年還每年付二千萬照此數核計只得利二釐四毫可否諭旨但允  
總數餘由樞電商酌較活動

旨電奕劻李鴻章賠款總以本息併計三十年還清利三釐三毫爲定  
矣瀾侯有可減利之說美柔使亦云不必四釐儘可與磋磨中國物力  
每年只能還二千萬若要每年還三千萬則力實不及可與各使妥商

軍機處致盛宣懷常  
稅釐金若  
歸關收恐  
散干預須  
斟酌電

奕劻李鴻  
章致樞垣

利隨本減每年交二千萬算至本利還清之年爲止至各國教堂賠款  
前德使有許在賠款內扣還之議法兵在直隸一帶罰令官民賠款捐  
款法兵官亦有於賠款內扣除之說着於定約時一并注明免致他日  
饒舌

軍機處致盛宣懷電信 償款定後須議通商加稅之事尊處與京繙  
譯所談有常稅釐金悉歸關收辦法一節查鄂督曾與英參贊力爭常  
稅多在內地與民間交涉事多窒礙若歸洋關併收即係干預利權言  
頗扼要此時雖係私談議辦時須斟酌爲要

十五日 駐蹕西安府城

奕劻李鴻章電信 昨俄使來言已奉國電賠款及利息議准後即撤



各國謂賠款定即撤兵請速斷

軍機處致全權大臣償款照允四釐息三電十年攤還

兵各國亦同此議自以從速定議爲是鄂督所云英使有活動口氣殊不足信若遷延不定洋兵到秋後始撤則須添費一百兆回鑾途無準期人心如何可定此中機括甚大請速斷施行

軍機處致全權大臣電信 元電已進呈薩使刁難不撤兵有無別故他國不至效尤否廷會試全停與條約城鎮之言不符能託美日使居中轉圜否劉撫等事商減輕者何以忽又改變來咨未到昨電商擬續議各員計已到能否照辦望擇要電覆償款照允四釐息卅年攤還本隨息減共合七百八十兆兩每年攤二千六百萬計鹽漕常稅土稅釐等項似敷指抵若多攤年分雖每年稍少而總計更多諸祈妥酌商定尤望趁此妥商民教專約總期持平相安以防後患爲要樞咸

李鴻章致  
樞垣德允  
認息四釐  
即撤兵英  
美法均不  
願再減電

## 十六日 駐蹕西安府城

李鴻章電信 德使言奉政府電已准五帥撤兵如果允認賠款並息四釐即可撤兵云云加息一節宜速允以免事機中變英美法使均言四釐不可減張之洞言英有活動語不可信若游移不決秋後撤兵必增鉅款加稅作抵頃辦不到俟通商行船各國商定更改時再行議辦作抵未晚

軍機處片 據李盛鐸寄到日本貴族院議長公爵近衛篤磨致臣榮祿王文韶書各一件意在糾合日本官紳聯絡中國以拒俄人謹將原信恭呈御覽謹奏

## 十七日 駐蹕西安府城

軍機處致全權大臣電信 頃接初四來咨及鈔寄照會均悉各使所稱徐繼孺等十一員罪名未先定斬候並前浙撫劉浙臬榮均固請照原擬重降諭旨而所敘應減應免各員又語多含混誠如大咨豫留日後變卦地步似此情形實難著手只可從權變通辦理現請旨將其指出之十一員照所請虛擬斬候即敘明貸其一死改發極邊云云由尊處酌擬諭旨照會各使俟其如何答覆再定以後各員處分仍祈妥酌辦理一面示覆除榮銓昨接十一電薩使已允除去永不釋回外惟劉撫能不敘查抄方好仍望將真電所商各員迅速設法商明電示以便降旨了案並停試磋商能否轉圜早日定議撤兵免日久又生枝節爲要樞洽

上諭現因整頓部務特諭各部堂官督飭司員躬親部務革除蠹吏以清積弊惟聞各省院司書吏亦多與部吏勾通其各府州縣衙門書吏又往往勾通省吏朋比爲奸其差役索擾尤爲地方之害著各督撫通飭所屬將例行案牘一并清釐安定章程仿照部章刪繁就簡一切書吏分別裁汰差役尤當痛加裁革以期除弊安民

懿旨爲政之道首在得人況值時局阡危尤應破格求才以資治理允宜敬遵成憲照博學鴻詞例開經濟特科於本屆會試前舉行天下之大何患無才其有志慮忠純規模闊遠學問淹通洞達中外時務者著各部院堂官及各省督撫學政出具考語卽行保薦並著政務處大臣擬定考試章程先期請旨辦理

徐邨等奏  
請速回鑾  
以期固結  
人心摺

十八日 駐蹕西安府城

留京辦事大臣大學士徐邨等奏竊維地球之上列強並峙其船堅礮利以偪我我號爲怯其所恃以圖存者獨有人心之固結耳故自兩宮西狩以來京師之民愍然喪其樂生之心翹首跂足如赤子之慕慈母蓋閱三時矣其所以然者我朝仁功積累與我皇太后皇上之勤政愛民有以淪浹夫人心者使然也臣等所嚮嚮過慮者洋兵初至民視之如虎狼如蛇虺而俄美日諸國使臣方且爲粥以賑之散錢以周之久與之處漸與相暱人情當大變之初起未嘗不愍然以悲迨理不勝勢勢屈而理亦隨以遷晉臣張駿有言兆庶離主漸染經時懷君戀故日月告流良可痛也今千里之內田廬榛莽市里爲墟盜賊縱橫商賈歇

絕萬一民愚無知不識朝廷之意以爲或者將棄我也而固結之心爲之頓懈此其關繫詎復淺鮮故以推人心言之回鑾不能不亟者一也中國以樂天爲法以愛人爲心其於邦交率多涵覆即此次條約無一不出於俛從然其中亦有我本應行之事而自外人先言之則似乎曲徇敵請臣等愚以爲此後事機有可以先發制人者自宜力爭先著免致事事予彼口實國體愈益損傷西國百年以來無論大小強弱凡建都所在各國使署隨之今外人已於內城東偏土木雲興輜軒相望勢必欲修覲見之儀彼各藉口於回鑾無期合辭陳請西上奉迎甚至駐京兵隊不肯盡撤無理之舉交迫而來彼時即六飛遄發不免有受人要脅之疑夫天子以四海爲家京邑爲四方之極臣竊謂上年之時巡

正也今日之返蹕亦正也如以法駕之委遲而致外賓之率籲則國體之傷實多此以防他變言之回鑾不能不亟者二也臣等知皇太后皇上歲時撫序則思郊壇奠瘞之未修霜露感懷則思宗廟饗嘗之尙缺顧瞻恒代則思根本重地誰與之維持披閱版圖則思億兆生靈誰與之保衛駐蹕雖在關陝而聖心實無日不在京師亟欲東歸之情當更有切於臣等者特以大局未盡萬全故不欲輕於嘗試耳然臣等即至愚斷不敢如古人所云以賊虜遺君父者應請朝廷發一明詔刻日筮途乘茲時序清和翠華迤邐東出函谷逾成臯暫行駐蹕汴中彼時全權大臣奕勛李鴻章亦有所藉口以告各國飭令速行撤兵各國內顧公法外顧邦交斷不敢稍有侵犯然後令留京大臣肅清宮禁奉迎乘

奕劻李鴻章奏德使  
照會如派  
醇親王使德  
當優禮接  
待電

與光復舊京計無便於此者如再以羣疑衆難稍事稽延瞬及炎酷未  
宜跋涉必待涼秋時節方議啟行則人心之懈變端之起可躊足而待  
也伏乞念安危之計奮獨斷之明決然勿疑大局幸甚謹奏

奕劻李鴻章電奏 現據德國使臣照會奉德主訓條中國若派醇親  
王前來通好當優禮接待並以王宮爲駐紮之所請即奏聞等語查醇  
親王年紀尙幼若果派令前往必須左右有人贊襄調護張翼老成歷  
練可以派令同往廕昌亦熟悉洋務並可酌量派添請旨遵行

上諭醇親王載灃著授爲頭等專使大臣前赴德國張翼蔭昌隨同前  
往商贊一切

十九日 駐蹕西安府城



劉坤一電  
已內有俄款  
應將撤兵亦  
應撤電

劉坤一電信 此次與各國議和總以合議不可分議爲最要宗旨賠款四百五十兆已奉旨照准中間俄償款最多本有東三省賠款在內現在德帥瓦德西已出京兵隊兩禮拜後許全撤則東三省俄隊亦應撤去庶合情理應飭全權照會領袖公使詢商俄兵在東省者何時撤回一面由全權電致三將軍預籌接收辦法以免延誤且看俄使如何回答再行籌度辦理請酌裁坤皓

旨電奕劻李鴻章賠款已允德使首許撤兵各國想亦照約陸續撤去此次賠款俄國最多且有東三省賠款在內自應無復異議可即向領袖公使確詢東三省俄兵究以何時撤去以便派各將軍預備接收如何回答速即電覆

盛宣懷致  
樞垣賠款  
確數已飭  
向各使館  
查明電

盛宣懷電信 青電轉飭駐京鐵路譯員向各使署查探賠償確數頃  
據電覆如下各國賠款確數查明如下俄一萬三千二百萬日本三千  
五百五十萬法七千五百萬德九千一百萬美三千四百萬英五千一  
百六十萬意二千五百九十萬比八百三十萬奧四百萬荷蘭八十萬  
大西洋並代理國三十八萬以上均中國兩數總數共四萬萬五千八  
百四十八萬兩云宣懷咸

### 二十日 駐蹕西安府城

張百熙奏修改商約慮失利權宜亟籌抵制之策摺

旨寄慶親王等據張百熙奏修改商約慮失利權一摺着詳細酌核於  
定約時切商各國公使悉心磋議並會商盛宣懷互相參酌

孫家鼐奏擬上課程請飭翰林院舉求實學摺

上諭翰林院爲儲才重地在館各員自應講求實學通達古今以備朝廷任使乃近日風氣專以詩賦小楷爲工敝精神於無用而經世之務或轉不暇考求殊非造就人才本意茲當變通政治之初允宜首先整頓嗣後編檢以上各官應專課政治之學以大清會典六部則例爲宗旁及古今政書直省通志凡有關經濟者皆當究心他如條約公法以及天算格致諸書聽其分門肄習其有願赴南北洋學習者亦准其在本署呈明咨送著掌院學士酌定課程每日呈送劄記其議論切實確有見地者選錄進呈量予獎勵其紕繆不正有害士習者分別糾劾凡散館大考考差均應一律變通著掌院學士妥擬章程咨送政務處王

大臣覆核請旨辦理

## 二十一日 駐蹕西安府城

上諭自上年七月以來倉卒播遷朕侍奉慈輿暫駐關中瞬將經歲陞懷宗社時切疚心今和局已定昨經諭令內務府掃清宮闕亟欲即日回鑾惟現在時令已交仲夏天氣炎蒸聖母高年理宜衛攝起居以昭敬養勢難於溽暑之際跋涉長途自應俟節候稍涼再行啟蹕茲擇於七月十九日朕奉慈輿由河南直隸一路回京著各該衙門先期敬謹預備將此通諭一體咸知以慰天下臣民之望

旨電奕劻李鴻章來電請調大員隨辦各國稅則條約事宜已有旨派令盛宣懷充會辦商務大臣徐壽朋著電令來京幫同辦理此次商務

奕劻李鴻章奏比使  
請飭地方官保護蘆  
漢鐵路電

條約極關緊要該大臣當會同盛宣懷等認真辦理所有韓國交涉事宜著徐壽朋交參贊許台身代辦

## 二十二日 駐蹕西安府城

奕劻李鴻章電奏 接比國使臣姚士登照會聲稱蘆漢鐵路經費半係該公司款項去年拳匪之亂停止其已成者半遭拆毀現在時局大定亟宜接續前功應請奏明迅發諭旨著各省督撫飭鐵路經過各州縣實力保護以重要工等語自應准如所請頒旨通行責成督撫分飭地方官認真照料電線一項合中國官商全力合辦資本不少現亦多所毀損已派員陸續修補亦請旨明白曉諭俾各遵行

旨電奕劻李鴻章現已定期回鑾京師各使館酌留兵隊前據奏各國

總計不過數百名究竟確留若干查明電覆租界逼近禁城聞有築城設礮臺之說曾飭電詢並令設法商阻着即電覆又鐵路亟應收回俾免火車入城津京沿途洋卡洋兵酌留數目以少爲妥以上各節均關緊要該王大臣等務須切實與各使商定一面先將情形電奏爲要洋兵撤後地面匪徒尤須嚴防查拿毋稍疏虞回鑾有期以昭肅靜

## 二十三日 駐蹕西安府城

奕劻李鴻章電信 探聞租界洋人擬築城酌留兵隊尙未定多少京津一路洋卡聞撤留三四處每處派兵三百名尙不甚少姜桂題速催來京藉資彈壓

## 二十四日 駐蹕西安府城

奕劻李鴻章致樞垣  
京城各使  
館留護兵  
未設礮臺  
電

奕劻李鴻章電信 日本優崇之典查前日國駐使西德已商請派那  
桐現日使小村又云已電商該外部請派能否賞加頭品頂戴以示寵  
榮又承詢各節查京師各使館酌留護兵現尙未定數租界擴充已定  
議彼擬築城自固並未聞設礮臺之說如有此議自應商阻察看日美  
各國保護內城嚴禁出入武英殿之灾救護甚力其忠於爲謀可知鐵  
路兩條蘆漢暫係法國代管津榆暫係英國代管彼因洋兵未盡撤便  
於往來起見已囑俟回鑾時小心伺應斷無他虞並已勒限三月接收  
至正定及搭造滹沱河浮橋津榆火車前德國經管時已入城至天壇  
門外英人尙欲另開車路以避天壇京津沿途洋卡聞尙留三四處每  
處派三百人至洋兵撤後地面匪徒尤須嚴查除已交步軍及五城各

軍機處致  
李盛鐸  
謝日本近  
衛公爵指  
陳時局書  
函

派人接替外又電催姜桂題所部即日來京以資分撥又奏請派胡燏棻襄辦京畿善後聯絡巡防想荷俞允請代奏奕李漾

軍機處致全權大臣電信 本日尊處具奏回鑾蹕路一摺擬請旨由河南衛輝水路直達天津舟行較穩惟其中尙有窒礙聖意擬在半途德州登陸或到保定乘輪車到京其陸路由保正兩府改乘輪車程途遠近應如何預備之處希尊處查明酌定電覆請旨

逕啟者前承轉寄日本國民同盟會友惠書發緘伸紙罄欬如親具仰近衛公爵領袖名流盱衡全局同會諸君子閱識偉抱彪炳一時剴切指陳洞中窾要極荷輔車之誼爲據借箸之籌其所以惠愛中國者甚肫且厚此誠仁人君子之用心而亞東志士所爲延頸跂踵思慕而不



能自己者也夫以中國遭時多難猝啟兵戎事變無窮殷憂未已誠有如來書所云者幸賴諸友邦調護之力和局就定四境之內得以乂安從此槃敦言歡推誠相與壤地密爾休戚同之尤所感幸榮等承乏樞密上貽宵旰之憂疚心無地迺蒙獎借祇益慙惶所示銳修內治諸大端比已稟承宸訓次第變通忠告良言書紳銘佩不敢不勉祈轉達近衛公爵暨同會諸君子申致答謝之忱恕不專啟即頌大安

上諭奕劻李鴻章奏請嚴飭各省保護蘆漢鐵路電線一摺鐵路電線爲國家興利之源十數年來經營締造迭撥鉅帑方得脩具規模乃上年拳匪之亂蘆漢鐵路及沿途電線肆意拆毀幾至盡棄前功殊堪痛恨現在大局漸定亟應及時修復其經過地方尤宜加意防範著各該

督撫嚴飭所屬州縣及各防營認真辦理該公司各項物件均係動用國帑購造工藝諸人亦係朝廷招雇均應一體保護著即出示剴切曉諭俾衆咸知

## 二十五日 駐蹕西安府城

慶親王奕劻大學士李鴻章奏議款內停考地方請旨摺

旨本日奕劻李鴻章奏各國議定滋事地方停止文武各考試五年一摺據稱順天太原地方鄉試仍應停止其單開山西省之太原府忻州太谷縣大同府汾州府孝義縣曲沃縣太寧縣河津縣岳陽縣朔平府文水縣壽陽縣平陽府長子縣高平縣澤州府濕州蒲縣絳州歸化城綏遠城河南省之南陽府河內縣鄭州光州陳州府浙江省之衢州府

直隸省之北京順天府保定府永清縣天津府順德府望都縣獲鹿縣  
新安縣通州武邑縣景州灤平縣東三省之盛京甲子廠連山于慶街  
北林子呼蘭城陝西省之寧羌州江西省之鄱陽縣湖南省之衡州府  
等地方均應停止文武考試五年着各該省督撫學政遵照辦理出示  
曉諭

二十六日 駐蹕西安府城

旨電江南湖南山東浙江本年鄉試均緩至明年八月舉行

二十七日 駐蹕西安府城

上諭陝西巡撫著升允補授李紹棻補陝西布政使

二十八日 駐蹕西安府城

旨回鑾業已定期吏部左侍郎張英麟等著先行回京供職各部院人員由隨扈堂官每衙門酌留數員外其餘由該堂官飭令分起回京著戶部酌給川資津貼以示體恤

二十九日 駐蹕西安府城

長順成勲奏吉林餘孽未淨亟宜添兵剿捕摺奉旨電奕劻李鴻章吉林餘孽未淨宜添兵保護著該王大臣等與俄使熟商辦理

五月初一日 駐蹕西安府城

旨近來宗室人等每多沾染習氣不思上進著宗人府宗令等傳諭各宗室務當力除積習勉成大器其閑散宗室往往有不務正業甚至爲匪徒邪教所煽誘肆意妄行者著該宗令等嚴加約束如有自甘暴棄

信邪爲匪者即著從嚴懲辦

上諭戶部右侍郎那桐著賞加頭品頂戴充出使大日本國大臣敬謹將事

上諭內閣侍讀學士張翼副都統廕昌均著賞加侍郎銜隨同醇親王載灃出使大德國以示優異

上諭山東巡撫袁世凱現丁降服憂本應准其終制惟該省地方不靖交涉事繁袁世凱撫東以來辦理一切均臻妥協正賴通籌全局以濟時艱袁世凱著賞假百日即於撫署成服假滿後改爲署理照常任事以副朝廷委任之意

上諭近聞京師地面匪徒充斥並有不肖之宗室旗人混雜其間擾害

楊儒奏與  
俄人議約  
旋又停商  
謹陳先後  
辦理情形  
摺

地方著步軍統領順天府五城御史嚴密查拿就地正法即宗室旗人有犯法者亦一律照例懲辦

### 初二日 駐蹕西安府城

出使俄國大臣工部左侍郎楊儒奏爲遵旨與俄人議約旋又停商謹陳先後辦理情形恭摺仰祈聖鑒事竊奴才於光緒二十六年閏八月在黑海晤見俄戶部外部均允撤退東三省大軍交還東三省地方並請中國派員接收俄祇留保路之兵當經電達李鴻章代奏在案欽奉十一月十二日電旨楊儒着授爲全權大臣與俄國商辦東三省接收事宜此事俄廷深敦睦誼允許交還一切辦法須臻妥協着楊儒悉心籌畫隨時電商奕劻李鴻章互相參酌並着奕劻傳諭東三省將軍遇

事妥爲經理毋稍致誤欽此仰見聖主鄭重陪都至意拜命之下悚佩莫名不敢不勉竭駑駘仰酬高厚惟是東三省在俄人自謂兵力取之一日交還膠執成見凡此次折傷士卒耗費資財以及積年未遂之私謀均欲藉交地約章償其蓄志其歸我地方復我吏治自謂誼重鄰交其嚴防後患多佔便宜視爲應得權利凡此棘手情形實亦時勢使然聖明所洞鑒者也時外部尙在黑海當即發電促其回都開議嗣此迭遵電旨與外部戶部節次晤商反覆辨論均經電達在案謹誌其顛末爲我皇太后皇上陳之方俄之請派員接收也九月初六日旨著綽哈布爲黑龍江將軍並由慶親王李鴻章傳旨增祺長順先行接管時因東三省俄兵雲集與京城消息不通當由外部代電該將軍等該將軍

等久無回電而太晤士報忽傳增祺與俄水師提督阿某訂奉天交地暫章九款於我內治之權頗多牽制乃十一月二十八日電旨方斥增阿暫章之謬斷難允行而外戶兩部當以委員已經畫押爲詞堅求批准奴才告以若不罷廢暫章決難開議正約再四辨駁彼始謂如正約商議無阻自當勉從所請畫押之件外人視之甚重外部竟允作廢其注意正約可知矣此次約款雖由外部商議戶部實主持之初戶部曾口述約款大概其中有商放將軍派駐俄官限制稅章代理稅務購買山海關鐵路俄法借款改按月付息等條侵我主權把持已甚屢次嚴辭拒絕而伊語氣頗堅奴才展轉思維萬難辦理不得已有暫與延緩之議乃奉十二月初十日電旨仍飭磋磨力圖挽救因迭商外戶兩部



告以俄國聲言保我主權何以兵權利權派官之權一朝奪盡聲言不利土地何以現商東三省事忽牽連蒙古等處及中國北省據理力爭不稍鬆勁慶親王李鴻章亦向俄使格爾斯多方開導彼漸知要素愈甚成議愈難故外部允就戶部口述各條刪去最難照行之款面交約彙謂此經各君主與戶部兵部幾次籌議可讓之處已無不讓一面飭格使向全權一再催逼格使竟至負氣不商然奴才細譯約彙不可許者尙多如禁用外人練兵因東三省而兼及北省之水陸師鑛路工商利益因東省而兼及蒙新各處滿蒙新疆鐵路不但禁外國人且禁中國自造北邊數萬里利權勢必一網打盡欽奉正月疊次電旨駁款謹卽譯成逐款開列後附奴才指駁之款一併送交外部久不置答且不

肯晤商奴才見此情形正在焦急無計光緒二十七年正月十五日欽奉十三日國書即日譯送並向外部重申前說因言中國難允之故實恐各國效尤俄屢言願作好樣今反作俑二百餘年之鄰好謂何連日苦勸力爭外部始允奏請俄主裁奪正月二十二日居然將原稿刪改交來細核改彙計違旨更改者六端北境水師不用他國人訓練全款刪去一也刪金州自治之權廢除一句二也刪滿蒙及新疆塔伊喀噶葉和于闐等處鑛路及他項利益不得讓他國人一節三也刪蒙古新疆各地名改爲滿洲全境四也滿洲禁我造路及租地與人兩節均刪五也禁運軍火加照公約句即允我與公約同時起止六也路工未竟不設兵隊改爲應與商定駐兵地方即允我不設兵隊專指鐵路邊旁

而言七也經奴才指駁允行者四端將軍大員辦事不合邦交改革職爲調離一也滿洲內地巡捕與俄商定數目加地方平定以前一句二也巡捕兵供差不用他國人改祇用中國人三也鐵路賠款改照公約所擬賠款意旨與該公司商賠四也外部出示改稿即述俄主之言現因國書懇摯使臣苦心甚爲感動准將中國駁款再儘力刪改一次云云現改款復經我君核准即爲定章限十四天畫押逾期則交收作罷論奴才詢以各國效尤將何以應俄素欲保全中國豈願我從此多事外部言此約定後卽登官報宣示環球滿洲自我得之自我歸之誰能援例越五日外部又約晤言限期已促如逾期不訂勿再議交收勿再言友好揣其立意已存已成不變之心屢次聲明執定一字不易之說

蓋自始廢增訂暫章繼刪戶部擬款終又改草約初棄三次遷就遂堅持到底不肯展期亦不肯再刪改矣此與俄議約之實在情形也查光緒二十年甲午之役日本兵佔遼東遂欲據爲己有嗣因俄會同德法二國出而力阻懾以兵威日人竟未遂所欲得而復失心終怏怏二十四年俄訂遼東租地之約而日人憤俄益甚此次俄議東三省約日本既嫉其事機之順多得利權遂移其積憤之心陰圖報復其恐俄漸逼朝鮮尙在其次其藉口愛助中國更屬託辭於是內而游說長江上下諸大吏更外而煽惑英德美諸大邦欲藉衆力濟其阻撓實則俄英早有成約以長城爲界各不相干德英上年之約亦與東三省不相關涉其首相曾在議院中宣言之美向守局外不預人國事故德一意中立

英一味遷延駐俄之美使與奴才密談亦云目前中外舊好未修若遽爲中國出力拒俄亦大難事查日本雖曾向俄述及東三省事不過謂公約外不宜有私約迨俄外部告以此約並無礙中國自主之權及各國利權又屢次聲明凡關各國之事應入公約專關一國之事應逕向中國分議等語而日人已無詞矣英美亦向俄詢及然微示以意略無詰責之詞德則並未一詢是則四國者可恃而不可恃也否則彼非不知畫押限期及俄人逼勒情形乃始終無一切實回話徒令中國爲難卒未向俄切詰乎至約款雖經刪改流弊仍多誠如正月二十七日電旨所云其中細目尙有空礙之處恐爲各國藉口又經劉坤一張之洞盛宣懷李盛鐸先後來電勸勿畫押又劉坤一張之洞盛宣懷公同來

電有俄約各國譁然立待效尤中國士大夫已多詬病公者此約果定中外集矢竊爲公危之等語奴才素性迂拘不工趨避久已堅持定見事苟有益君國何敢惜一己之聲名又未奉畫押全權斷不受俄人之逼迫惟忝膺使職彼國情形自應知無不言至定議與否大局攸關安有廷議尙在躊躇而使臣遽行允諾者奴才雖至愚亦決不出此況事體重大自宜統籌全局參酌輿情卽朝廷博訪周諮亦未便聽使臣一面之辭罔顧衆論徇一鄰國之請開罪列邦夫中國公論惟各督撫知之最真各國公論惟各使臣探之最確該督撫等所述情形自必審事機之利害權流弊之重輕當非漫無所見故奴才前電有俟各國答覆之議並有應采中國衆論之言而外部限期挾制拒見公使輕卻國書

與格使在京恫喝情形無所不至又駸駸乎有決裂之勢正恐貽誤大局辱命強鄰焦灼旁皇一籌莫展伏讀二月初五電旨諭以不遽畫押僅止激怒於俄畫則羣起效尤其禍尤速並飭奴才婉告外部中國爲各國所迫非展限改妥無礙公約不敢遽行畫押請格外見諒等因時外戶部已拒不見至二月初五忽來約晤但云當發急電催中國速給切實畫押之權並稱次晨須見俄主如無畫押訓條即以不允此約入告語畢即起不容置詞初七日午刻始奉初五日之旨趕速譯交外部閱畢但云無話可說以後情形請中國自看嗣此迭奉初七初八兩電旨彼竟不收亦不閱矣俄主旋飭各部於二月十三日會議此事甚爲秘密無從探知二月二十八日俄官報登俄廷宣布東三省議約旋又

停商緣由首敘東三省肇慶及京津剿亂會議公約俄屢襄助中國情形次言撤兵交地總須訂約末言各國既因此約之故大與中國爲難俄雖欲撤兵不克速辦交地一節應俟中國事定京津立定自主政務力量稍強保無後患方可再提至目下辦法俄廷仍不改屢次聲明宗旨以保安邊界而靜候事機云云暫不交還遂自此定議矣此俄約非改妥不敢畫押遵旨告俄遂爾停商之實在情形也現在交收之事我固不問彼亦決不相催我縱向商彼亦決難聽命夫曰中國事定立定政府尙可計日而待至於力量稍強保無後患未知究指何時力強而彼不謂強無患而彼云有患又將奈何至靜候事機一語意更叵測玩彼聲明之文似已預留地步夫東三省爲我朝發祥之地陪都在焉列



聖陵寢在焉萬萬無不收復之理豈不知異日再議交收增款乃在意中何論刪改代守須加兵費不止賠償在彼待價而沽要求必倍若更蹈瑕進步永據堪虞此時英日德各國其助我以拒俄乎其踵俄以窘我乎藉口效尤何問今昔福建山東長江何處非東三省何處無俄此奴才所嚮嚮過慮而早夜不安者也至目前俄以此約事敗垂成雖係牽制於人未免遷怒於我以歐亞洲最強之國萬餘里連界之邦伺間乘虛誠大可慮鄰交從此棘手邊務從此戒嚴中國從此多事應如何圖維善後補救危機籌暫時應付之方謀異日轉圜之策擬請飭下王大臣六部九卿各督撫使臣妥議東三省善後事宜先事綢繆從長計較或聯外援以自固或整內治以自強戮力一心統籌全局上釋深宮

奕劻李鴻章致德館送來  
賠款表請核示電附

之宵旰預防強敵之憑陵天下幸甚大局幸甚謹奏

初三日 駐蹕西安府城

盛宣覆奏籌款展造潼關至河南直隸電線摺奉硃批着照所請該部知道

初四日 駐蹕西安府城

奕劻李鴻章電信 賠款事篠電發後次日德館參贊送來還款表查係自光緒二十八年起至三十一年止每年專付利十八兆自三十二年至四十一年止每年付本利十八兆七十八萬七千五百兩自四十二年止至五十七年每年付本利銀二十一兆四十五萬七千五百兩自五十八年至七十一年止每年付本利銀三十三兆七十四萬二千五

百兩計四十四年共還本利一千零七十五兆五十九萬兩其數係逐漸加增而最重在後十四年再四籌思賠款一定年期必須按年照付絲毫不容短少論目前財力總以少定賠數爲是初意本欲騰挪年限以期少出利銀乃分五十年先付本後還利之辦法各使皆不謂然嗣續擬每年付本利二十兆四十五萬餘兩四十年清還及每年付二十一兆五十年清還計本息總算俱不及九萬萬各使不肯允轉念不如照英薩使所言每年付本利二十六兆零三十年清款共本利約七萬八千萬有零總計所省息銀甚多惟以二十六兆較十八兆每年須多付銀八百萬當此財源匱竭仰屋興嗟何從籌此鉅款薩使初雖曾作是語及後又以中國抵款爲難遽萌悔念於是商立此表前四年專收

利息即傑彌遜在江寧所稱爲中國每年籌減六七百萬之說也或謂前四年專收利且自第五年至第十四年拔本太少在我喫虧息銀太多各使則謂起初數少於中國最爲相宜如中國每年所籌不能逾十八兆則可免籌款爲難如能每年多籌數兆既不須付出儘可另存生息亦備日後付款加多時之用並無喫虧前借英德債十年後方始拔本又稱海關稅抵舊債最多時至每年二千四百萬加新款利銀一千八百萬共合四十二兆此表所列新款應付之數後十四年每年三十三兆爲數似多然屆時舊債大減以所餘之數撥付新款合計每年仍不逾四十二兆並未令中國爲難所言似尙近理竊謂與其貪早完之省利而力有不及或以失信召侮何如稍寬年限使財力得舒日後中

國能有轉機每年多籌數百萬金當非難事以目下情形而論添籌新款實無把握釐金作抵各國尙多不願赫德稱此表有三善一抵款不須多籌可免動釐金二可免各國藉詞干預三由海關撥補係中國實能拿出之款日本小村使稱各國政府訓條尙未到齊可否於下次會議時分還年限即照送來款表定議請酌核示覆抵款俟商定再聞乞先代奏奕劻李鴻章江

英薩使送來還款表

光緒二十八年 舊洋款二千四百四十八萬八千二百兩 新洋款一千八百萬兩 二共應還四千二百四十萬八千二百兩  
光緒二十九年 舊洋款二千四百八萬七百兩 新洋款一千八

百萬兩 二共應還四千二百八萬七百兩

光緒三十年 舊洋款二千三百九十三萬五千二百兩 新洋款

一千八百萬兩 二共應還四千一百九十三萬五千二百兩

光緒三十一年 舊洋款二千四百七十七萬二千五百兩 新洋

款一千八百萬兩 二共應還四千二百七十七萬二千五百兩

光緒三十二年 舊洋款二千四百五十六萬七百兩 新洋款一

千八百七十八萬七千五百兩 二共應還四千三百三十萬八

千二百兩

光緒三十三年 舊洋款二千四百三十四萬六千三百兩 新洋

款一千八百七十八萬七千五百兩 二共應還四千三百十三

萬三千八百兩

光緒三十四年 舊洋款二千四百十三萬四百兩 新洋款一千八百七十八萬七千五百兩 二共應還四千二百九十一萬七千九百兩

光緒三十五年 舊洋款二千三百十三萬四百兩 新洋款一千八百七十八萬七千五百兩 二共應還四千二百六十九萬五千八百兩

光緒三十六年 舊洋款二千三百七十萬四千八百兩 新洋款一千八百七十八萬七千五百兩 二共應還四千二百四十九萬二千三百兩

光緒三十七年 舊洋款二千三百八十八萬七千一百兩 新洋  
款一千八百七十八萬七千五百兩 二共應還四千二百二十  
七萬四千六百兩

光緒三十八年 舊洋款二千三百二十七萬四百四十兩 新洋  
款一千八百七十八萬七千五百兩 二共應還四千二百六萬  
一千九百兩

光緒三十九年 舊洋款二千三百五萬六千七百兩 新洋款一  
千八百七十八萬七千五百兩 二共應還四千一百八十四萬  
四千二百兩

光緒四十年 舊洋款二千二百八十四萬三千八百兩 新洋款



一千八百七十八萬七千五百兩 二共應還四千一百六十三萬一千三百兩

光緒四十一年 舊洋款二千二十萬五千五百兩 新洋款一千八百七十八萬七千五百兩 二共應還四千六十七萬九千二百兩

光緒四十二年 舊洋款一千九百十九萬一千七百兩 新洋款二千一百四十五萬七千五百兩 二共應還四千六十七萬九千二百兩

光緒四十三年 舊洋款一千九百十九萬一千七百兩 新洋款二千一百四十五萬七千五百兩 二共應還四千六十四萬九

千二百兩

光緒四十四年 舊洋款一千九百十九萬一千七百兩 新洋款  
二千一百四十五萬七千五百兩 二共應還四千六十四萬九  
千二百兩

光緒四十五年 舊洋款一千九百十九萬一千七百兩 新洋款  
二千一百四十五萬七千五百兩 二共應還四千六十四萬九  
千二百兩

光緒四十六年 舊洋款一千九百十九萬一千七百兩 新洋款  
二千一百四十五萬七千五百兩 二共應還四千六十四萬九  
千二百兩

光緒四十七年 舊洋款一千九百十九萬一千七百兩 新洋款

二千一百四十五萬七千五百兩 二共應還四千六十四萬九

千一百兩

光緒四十八年 舊洋款一千九百十九萬一千七百兩 新洋款

二千一百四十五萬七千五百兩 二共應還四千六十四萬九

千一百兩

光緒四十九年 舊洋款一千九百十九萬一千七百兩 新洋款

二千一百四十五萬七千五百兩 一 共應還四千六十四萬九

千一百兩

光緒五十年至五十七年舊款新款應還之數均同 二共應還四

千六十四萬九千二百兩

光緒五十八年 舊洋款一千三百十萬六千八百兩 新洋款三千三百七十四萬二千五百兩 二共應還四千六百八十四萬九千三百兩

光緒五十九年 舊洋款六百七萬四千四百兩 新洋款三千三百七十四萬二千五百兩 二共應還三千九百八十一萬六千九百兩

光緒六十年至六十九年舊款新款應還之數均同 二共應還三千九百八十一萬六千九百兩

光緒七十年 新洋款三千三百七十四萬二千五百兩

光緒七十一年 新洋款三千三百七十四萬二千五百兩

共舊洋款七萬一千二百六十四萬五千兩

共新洋款十萬萬七千五百五十九萬兩

禮親王等奏武英殿雷火延燒情形摺

旨寄各直省督撫鹽務爲歲入大宗尤宜變通整頓各省情形不同必須因地制宜著該督撫各就地方情形詳考妥辦議定具奏

初五日 駐蹕西安府城

旨寄奕劻李鴻章江電悉賠款一事每年二千六百萬中國既難籌抵足數則各國列表年限展寬十四年利息多至二萬數千萬勢亦不得不然該王大臣俟各國議覆到齊再與婉商如實不能磨減只可照准

至海關如何撥補如何指項作抵於中國利權有無窒礙並著妥確籌商電奏

旨寄奕劻李鴻章現距撤兵限期僅有十日究竟各國兵隊果肯如期全撤否覲見禮節如何定議迄未據奏教案續行議處人員亦未據商定覆奏當不至因此宕延又生枝節該王大臣膺此重任責有攸歸著即迅速電覆其通商行船約章亦須及時妥議前有旨令盛宣懷會同商辦是否應在京會議抑在滬邀集洋商先行妥議並著妥籌電奏仍知照盛宣懷遵照又民教專約關係甚重亟應趁此與各國會商定立妥協章程奏明通飭遵照以杜後患而固邦交

初六日 駐蹕西安府城

張之洞致  
樞垣賠款  
每年帶還  
本銀方爲  
合算請勿  
遽允電

張之洞電信 全權議賠款分四十四年共一千零七十五兆前十四年數雖少第十五年起至第三十年每年二十一兆四十五萬零數已不少第三十一年至四十四年每年三十三兆七十四萬零爲數太多其故由前四年全不還本次十年還太少故受此虧竊思籌款固難然能籌一千八百七十餘萬何在二三百萬乎總之每年及早帶還本銀若干方爲合算此時洋兵已漸撤議賠款之年限並不甚急務請暫勿覆允但俟其將抵款商定電聞看其擬令何款作抵方可籌酌此數日內容江鄂詳加核算有何稍爲較減之法奏聞再請鈞處統籌核定全權見表後待八日始電奏可見遲早不爭數日望勿急遽至禱祈代奏之洞肅歌

軍機處致全權大臣  
賠款受虧  
實甚請先  
商抵款電

軍機處致全權大臣電信 賠款一事昨日已有電旨今有人奏原議有每年籌還二千萬尙可敷抵之說所定展寬年限前四年全不還本次十年還本太少以致利息多出二萬數千萬受虧實甚聞江鄂現正籌商減輕辦法刻下各國議覆未齊請尊處先將抵款一層與之商定擬將何款作抵迅即電奏現已電催江鄂兩督迅籌電覆再行轉達以便通盤核計婉與磋商冀臻輕減樞魚

軍機處致張之洞電信 歌電悉昨全權電奏賠款亦知喫虧甚鉅惟因撤兵限期甚迫恐或延誤當奉電旨令再與婉商如實不能磨減祇好照准來電所云各節具見盡籌周密頃已電致全權將抵款一層先與商酌電奏請旨其原擬分還年限數目暫緩定議惟各國議覆尙未



盛宣懷致  
樞垣各國  
覬覦路權  
請飭籌抵  
制電

到齊恐意見尙難一律總以不致因此宕延撤兵爲要應請尊處將所  
籌如何較減之法迅商江督速核電覆以便請旨轉電全權定議樞魚  
初七日 駐蹕西安府城

盛宣懷電信 全權江奏還款先輕後重辦法核之海關舊債表光緒  
四十二年至五十七年每年還一千九百餘萬五十八年還一千三百  
萬五十九年至六十八年還六百餘萬六十九年還一百餘萬即完設  
新舊通籌正可勻稱經與各使叫破歲入僅八千餘萬至多以一半還  
債赫德計乃出此然非內外併力開節已不易支至通商行船約章第  
十一款載明各國以修改爲有益者中國認與議改大約除加稅外恐  
於中國損多益少且各國意見百出非一時所能商議似宜將此條歸

奕劻李鴻章致未必  
商約至符  
利我亦  
制敵亦  
無把握電

入善後俟約成兵退從容會籌可少喫虧似此則財政不致干預惟礦務彼覬覦最甚若不選擇各國合式律例亟謀以開爲守和約定後勢必羣起爭佔利權盡失且恐從礦而佔路且從礦路而佔地所關甚鉅但事涉各省輾轉會商勢必因循泄沓可否請飭政務處早籌抵制以免延誤乞代奏宣懷肅魚

奕劻李鴻章電信 歌電旨謹悉五月十六日乃截止賠款日期並非限定洋兵於是日撤盡各國軍隊自德瓦帥出京後已陸續減撤但人數太衆運船不敷驟難退完大約六月間可全數撤去似不至再生枝節覲見事各使請准乘黃轎在乾清宮階前降輿禮制太覺不符屢次磋商未能定議教案續行議處之員與商未覆致各使亦屢次會議意

見尙未全同但英薩使接到原擬斬候各員重降諭旨及停試奉旨照會並未再言不肯撤兵惟聞各使中仍有不願北京會試者請借河南考棚薩使於此節未能踐言殊出意外然於撤兵似無妨礙至通商行船條約和議總綱第十一款載明各國以修改爲有益者中國認與商議更改是此次改約各國專爲取益起見斷不肯乘此事變給我便宜彼肯緩商於事較安在我似不須亟催盛宣懷在滬與洋商恐無可商辦此等事公使及政府主持商民只能參贊至民教更訂章程已飭周馥相機商訂值此教士氣燄方張各使極力庇護不特難期就範且慮藉勢要挾侵我政權無益有害試思此次殺戮教士教民過多而我轉欲設法箝制理勢俱絀能否訂定所不敢知請代奏奕劻李鴻章虞

劉坤一張  
之洞致樞  
垣賠款如  
每年多籌  
四兆所省  
實多電

初八日 駐蹕西安府城

初九日 駐蹕西安府城

初十日 駐蹕西安府城

劉坤一張之洞電信 賠款事薩使每年二十六兆之說全權既以多籌八兆爲難竊擬有酌中籌還一法目前每年約祇多籌四兆共分三十六年還前十四年每年還二千二百萬第十五年至三十五年每年還二千六百萬第三十六年還一千一百九十六萬四千一百三十兩總數共八萬六千五百九十六萬四千一百三十兩核算無異較全權議還完早八年半除前二十九年多還本銀之數抵除外所省約二萬一千萬查前二十九年雖較全權所議略增然前十四年僅多或四百

萬或三百二十一萬後十五年雖多四百五十四萬零而舊債表爲數漸輕海關已盈餘一百二十七萬零實仍只籌三百二十六萬零第三十年至三十五年則每年少還七百七十四萬零第三十六年則少還二千一百萬矣第三十七年至第四十四年既已還清則每年省三千三百萬矣竊思每年至少需還十八兆亦必須中外合力另籌大宗鉅款方能應付即多籌三四兆似尙有策而總數所省實多免致三十年後忽增鉅累嘗考法爲德破賠款極鉅其國臣民同心努力趕先籌措於未滿年限之先卽行清還各國驚異謂其志氣堅壯不數年法國復強蓋謀國之道當計久遠微弱時尤甚若目前不避艱難早圖自振是爲生機若苟圖一時輕省不計久長是爲敗氣強弱進退之消息實在

於此至撤兵一節久經各使言明利息議定即允撤兵斷不至因籌商年限另思變計即使全權所議已告各國而此次所擬辦法乃係提前還本常必更願坤洞等非與全權立異同特爲國家億萬年計不敢不言仰懇聖明裁奪請代奏坤一之洞青

### 十一日 駐蹕西安府城

軍機處致全權大臣電信 賠款事現據江鄂兩督電奏擬有酌中籌還一法目前每年約只多四兆共分三十六年還前十四年每年還二千二百萬第十五年至三十五年每年還二千六百萬第三十六年還一千一百九十六萬四千一百三十兩總數共八萬六千五百九十六萬四千一百三十兩較原議還完早八年半除前二十九年多還本銀

之數抵除外所省約二萬一千萬查前二十九年雖較所議略增然前十四年僅多或四百萬或三百二十一萬後十五年雖多四百五十四萬零而舊債表爲數漸輕海關已盈餘一百二十七萬零實仍只籌三百二十六萬零第三十年至三十五年則每年少還七百七十四萬零第三十六年則少還二千一百萬矣第三十七年至四十四年既已還清則每年省三千三百萬竊思每年最少需還十八兆亦必須中外合力另籌大宗鉅款方能應付即多籌三四兆似當有策而總數所省實多免至三十年後忽增鉅累嘗考法爲德破賠款極鉅其國臣民同心努力趕先籌措於未滿年限之先即行清還各國驚異謂其志氣堅壯不數年法國復強謀國之道當計久遠微弱時尤甚若不避艱難早圖

劉坤一  
致  
樞垣  
請以  
蔡鈞  
接任  
駐日  
公使

自振是爲生機若苟圖一時輕省不計久長是爲敗氣強弱進退之消息實在於此即使全權所議已告各國此次所擬辦法乃係提前還本當必更願坤洞等非與全權立異同特爲國家億萬年計不敢不言等語此次償款前電分四十四年新舊併還雖總數喫虧而每年抵款較易自係不得已辦法今議早還八年總數實少二萬一千餘萬尙屬合算現在以鹽漕常稅指抵已有二千五十萬再加洋稅除抵舊債外尙有盈餘可以備抵自屬可行不知各國議覆到齊否應請再與商定電覆請旨樞蒸

劉坤一電信 近與各國交涉事益繁冗使臣一差關繫更重中日同洲誼聯唇齒東三省一事尤賴日本公論相助現在駐日使臣李盛鐸



已報三年期滿該國駐滬總領事前來江寧述及外部之意謂接替之員必須遇事和衷於兩國方爲有益如前江蘇蘇松太道蔡鈞才具明幹熟諳洋情尤爲該國外部所信服若代李使足以聯絡邦交謹以密陳可否簡用之處伏候聖裁乞代奏坤一佳

### 十二日 駐蹕西安府城

軍機處致全權大臣  
請電增祺  
商俄官繳  
還軍火以  
便剿匪電

軍機處致全權大臣電信 據東省胡護撫廷幹電近有輪船載奉天難民三四千到煙臺遣員查詢據稱劉擔子等作亂所有安東寬甸等城均爲賊據等語查該省將軍增祺前奏奉天各城軍火均爲俄人所奪現在賊勢披猖應飭增祺婉商俄官繳還軍火以便剿賊着該王大臣設法電致該將軍斟酌辦理

奕劻李鴻章致江鄂所擬多還鄂款  
奏請江鄂所擬多還鄂款  
四兆辦法  
擬指何款  
作抵電

## 十二日 駐蹕西安府城

奕劻李鴻章電信 蒸電悉江鄂所擬三十六年清還賠款辦法總算  
省息良多惟最難在抵款德使等所擬之表好在除一千八百萬外以  
後遞加銀數即用海關每年歸還舊債所餘儘數付給無庸另行指款  
作抵於我甚便如江鄂所擬前十四年每年多還四百萬第十五年至  
卅五年每年多還四百五十四萬二千五百兩此項較德表多還之數  
不知應指何項抵款雖稱每年祇多四兆有策可籌即使我真能籌彼  
未必肯信且各國均謂抵款必須有洋人經手方能放心故鹽課釐常  
稅皆請歸稅務司稽查即就一千八百萬詳籌已頗艱於設法是以俄  
德美日本使有願將海關稅由我收足值百抽五不算加稅及煙酒免

稅等貨可允徵稅之議冀連鹽款常稅湊足十八兆至貨釐漕折土藥稅各使不允作抵難與再商果能上下官民內外一心如法人之還德款夫復何言惟中國局勢太散民生太苦劉張皆獨當一面洞悉時艱試問能如法人所爲否今不論日後籌款之難易且先計目前抵款之有無乞電詢江鄂將所擬二十四年中每年多還四兆擬指何項的款作抵速行電覆以便商議再各國訓條聞已到齊皆稱德表可用並聞慶李文

十四日 駐蹕西安府城

軍機處致全權大臣電信 文電悉昨又據江鄂兩督電稱各國賠款議取息四釐每年還利息十八兆指抵的款便不虧負其還本若干乃

軍機處致全權大臣  
賠款如每年多還數

兆以不至  
多勒抵款  
請婉商電

隨我之便量力辦法豈有反因此多勒抵款之理似可據與各使辯論  
查呂使濞電德外部云至少須四釐每年出利十八兆中國不致爲難  
其意似亦只令中國指抵十八兆之利若能每年多四兆之本未必不  
願且此次議定年還若干亦應預爲聲明將來中國若能多籌除議定  
應還之數外隨時任便提前歸還利隨本減以後所省不少等語前電  
所商每年多還數兆係於息外還本乃我格外努力似不至多勒抵款  
無妨與各使婉商即提前歸還利隨本減一節無論以後能否籌出似  
亦可預行聲明以爲將來地步設能隨時多還則所省利息實鉅諸賴  
大才從長籌畫妥爲定議也樞鹽

全權大臣電信 昨電敬悉自俄約停後增祺困守孤城消息不通無

從電覆矣

十五日 駐蹕西安府城

旨電慶親王奕劻大學士李鴻章京畿內外地方諸事繁重著派胡燏棻辦襄京畿善後事宜並刊給關防

醇親王載灃奏奉旨使德即由京師備齊國書從速啟行擬調道員梁誠等七員派充隨員並派內閣侍讀學士張翼爲參議官以壯觀瞻摺奉硃批著照所請該衙門知道

又奏現美國使臣來見請臣於使德事竣後順道該國一修聘問於勢不能不允恐此後各國必有仿而行之者亦宜在照允之列若往返請旨於事不便擬即在駐紮處所所有國書一切照例備辦事後奏聞以

增祺奏  
長構費  
旨革職  
商俄使  
回自辦  
摺放應奉

歸簡易片

## 十六日 駐蹕西安府城

增祺奏署黑龍江將軍壽長現被俄人拘往海參崴安置查壽長自不  
量力與俄一戰而敗致令全省破壞貽誤大局奉旨革職來京聽候部  
議朝廷自有權衡乃俄人竟禁錮不還可否電令全權大臣向俄使商  
議准予放回自行治罪以全國體謹奏由留京辦事大臣大學士崑岡代遞  
軍機處致全權大臣電信 據增祺奏前黑龍江將軍壽長現被俄人  
拘抵海參崴地方壽長守土是其專責現已議和應商俄使轉達駐東  
三省兵官將壽長釋回以全睦誼

## 十七日 駐蹕西安府城

奕劻李鴻章致各國  
賠款各國視同歲收  
倘拖欠彼必索抵電

奕劻李鴻章電信 鹽電悉江鄂電謂十八兆以外乃量力還本辦法  
無勒我抵款之理此按尋常借債言也借債本爲圖利但能利息不欠  
歸本多少便可不拘此次賠款與借債不同各使每言所用之銀已由  
各本國設法借墊中國每年能付若干彼即作爲歲入之款以備支用  
如允付而屆時拖欠恐致誤彼要需是以前經議明付給若干不論是  
本是利皆須指明抵款英德等使每以中國多付恐無的款可抵爲言  
尙非無理即前借英德商債每年歸五百萬亦尙以鹽貨釐七卡抵足  
可知洋人之本利並重矣至將來中國若能多籌除議定應還之數外  
隨時任便提前歸還利隨本減自可豫先議訂以爲後圖慶李咸

十八日 駐蹕西安府城

劉坤一張  
之洞致  
垣各使  
見請阻  
黃轎用

劉坤一張之洞電信 閱全權電奏稿各使欲乘黃轎在乾清宮前降  
輿實堪駭異公使雖待以客卿究是人臣若國君游歷來華又將何以  
待之且各使與各國太子親王禮節亦有等差即黃轎亦不應乘坐各  
使不顧中國儀注獨不爲本國留體制乎此節無論如何萬不可許竊  
思各使驕盈逼索不過欲洩其攻館之憤查外國之待公使遇有大典  
禮則國君必遣其自坐之車前往迎迓此各使所以藉口也然各國君  
向無黃轎故其國臣民不以爲異行之中國實駭聞聽恐因此忽生事  
端此時似宜籌一抵制之法或令上駟院備良馬數匹即稱爲御用之  
馬遇各使有大典禮覲見之時即用此項馬匹前往迎迓平日則否抑  
或別予優異以阻其黃轎詣宮爲斷懇飭全權設法婉商以存國體再



告各國使館留兵之數亦請飭全權查明據實奏聞請代奏坤洞咸  
軍機處致全權大臣電信 頃據江鄂兩督電各使欲乘黃轎在乾清  
宮前降輿實堪駭異公使究係人臣應待以客卿之禮設國君游歷來  
華又將何以待之況各國太子親王亦有等差亦不能乘黃轎不爲中  
國禮節計獨不爲本國留體制乎務須婉切商辦或別予以優異之處  
等語前接來電此節尙未議定究竟磋商如何查各國有以君主之車  
迎送公使者係專指齎有國書而言是敬君非敬使也公使覲見尋常  
亦從未聞有乘君主車者設各國公使同時覲見焉有許多黃轎似可  
據理力爭即各國體制亦不應有此至降輿之處亦以在乾清門外簷  
下爲宜已足以示優異總望大力切實商辦安定爲要樞嚮

劉坤一領致  
俄索喀  
什噶爾是  
否確實乞  
示電

劉坤一電信 駐滬日本領事電風聞俄索喀什噶爾是否確實祈示等語究竟有無此事再上月皓電請飭全權照會領袖公使詢商俄兵在東三省者何時撤回事關重要曾否奉有諭旨祈電覆坤治

上諭寄李鴻章前據該王大臣電奏各國教案賠款除大案賠三百萬並另給現銀二百萬兩外所有直隸拆毀教堂各案著就各該敗壞地方百姓攤賠茲據倉場侍郎劉恩溥奏直屬自遭拳禍繼被洋兵掃蕩離居蕩析民不聊生若再令罰賠鉅款官府追呼民窮則變亟宜體恤請由官代繳賠款俟民力稍復元再行按年攤派繳還歸款等語所奏亦屬實情著李鴻章斟酌辦理以紓民力并嚴飭地方官不得濫派胥吏多行擾累爲要

劉坤一  
致  
坤  
一  
致  
國  
欲  
估  
三  
門  
灣  
請  
整  
頓  
海  
防  
電

## 十九日 駐蹕西安府城

劉坤一電信 頃意國有兵船到滬昨日其兵頭來見未言來意探聞欲佔據浙江定海所屬之三門灣英人暗助等語現在浙江三司皆係署任新撫任道鎔似應催其從速到任整理海防請代奏

旨電任道鎔速赴浙江巡撫任

旨電劉坤一來電悉前江蘇蘇松太道蔡鈞著賞加四品卿銜派充出使大日本國大臣俟李盛鐸任滿後即行前往接替

## 二十日 駐蹕西安府城

旨寄奕劻李鴻章效電悉日使函稱醇親王使德回路經美暨日本政府望旌節抵日藉伸同洲和好之誼等語著照所請以重邦交英比如

奕劻李鴻章致觀見  
各使綠轎  
允用綠轎  
黃轎

有此意函請亦可准行即由該王大臣隨時知照辦理仍一面電聞  
奕劻李鴻章電信 嘯電悉覲見禮節前據各使照會堅請准坐黃轎  
及在乾清宮階前下轎當經備文駁覆謂與中國體制太不相符礙難  
奏請駁令仍坐綠轎至東華門換椅轎至景運門並經迭派員商論各  
使仍復堅持謂中國到外國常以國主自乘馬車接迎入宮今只請用  
黃轎不爲過分又謂上轎路遠雨淋日曬甚爲不便多方辯論未能就  
範旋又派員商議告以日後各國如有太子及頭等親王來華更何以  
加必須預留地步擬准通融轎用黃繮至景運門下轎美日兩使允將  
商各使即經備文照會昨據照覆綠轎黃繮可允至仍請在乾清門降  
輿本擬再與爭辯仍令在景運門下轎明知彼必不允但以事關朝廷

體制未敢輕易通融茲來電既云可許乾清門外簷下降輿實足以示優異擬即照覆允准奏結指日回鑾各國必請觀見此次宜早定議爲妥鴻章前遊歐美各國宮殿雖極崇隆皆由小門出入外臣皆直抵門前降輿中朝規制閼闕故以爲不便有一國使宣稱若將鑾儀殿已燬基址改建洋房一切照西式辦理專爲接見外臣各使必無爭論所言亦甚有見姑備一說候采擇慶李號

二十一日 駐蹕西安府城

旨寄理藩院科布多青海等處程途較遠之王公大臣本年年班加恩免其來京其餘仍照舊來京

二十二日 駐蹕西安府城

軍機處奏  
蓋造洋房  
供各使觀  
見須另備  
皇太后燕  
息之所片

黃槐森致  
樞垣南寧  
開埠勘定  
地點並籌  
款辦法電

軍機大臣片 頃據奕劻李鴻章來電擬於儀鸞殿蓋造西式洋房專  
供各國使臣觀見之用若照此辦法可免其進乾清宮然必須於紫光  
閣之西集靈囿之東另行預備皇太后燕息之所然後可於儀鸞殿改  
建洋房伏乞聖裁

桂撫黃槐森電信 光緒二十四年八月奏請於南寧府設立商埠作  
爲中國自開口岸經總署核覆照湖南岳州成案辦理續因兵事耽擱  
現勘得南寧城外上廊街一段地方長一千八百餘丈下廊街一段地  
方長一千六百餘丈計地價四萬兩之譜然必須稅務司來勘驗過後  
然後可以合同立契廣西貧瘠無款可支擬請就梧州關正稅項下提  
墊嗣後開闢碼頭尙須鉅款雖埠頭立後地面一切可以收稅現在總

李鴻章致  
樞垣俄約  
爲江鄂所  
阻無從商  
令撤兵電

軍機處奏  
遞各省督  
撫籌畫賠  
款開單呈

須籌墊暫就梧關動支並乞速飭稅司前來相驗

旨寄黃槐森來電悉已交總理衙門斟酌辦理

二十三日 駐蹕西安府城

李鴻章電信 來電以江鄂電奏請於公約議定各國撤兵飭令俄國  
亦撤東三省兵等語查東省撤退洋兵之事若當時定議畫押則此事  
可以籌商自江鄂爲日本所愚停止畫押現在俄使除公事一見外並  
不接洽何從與商即商亦必不理不意江鄂創議停止畫押乃爲此撤  
兵之策喀什噶爾之事敝處毫無所聞

軍機處奏遞各省督撫臣籌畫賠款開單呈覽摺

魯撫袁世凱電信 前籌練餉四十萬或可再籌十餘萬兩南漕若

永改海運並節省修河經費每年可籌二十萬兩兩漕若并改折解又可節省各項雜費十餘萬兩東關海四成洋稅向解津局以供製造現在局既被焚製造亦已停工此項可節省二十萬兩四項歲可節省五十餘萬兩以供賠款之用竊計賠款現在雖未定議爲數當必不少此外東三省債款洋兵保路之費收回之費恐尙不在內應集天下士民全力籌之方克有濟區區節省移挪無益也

新撫饒應祺電信 新省專恃協餉每年三百數十萬兩極力節省約可節出一二十萬兩現若急需惟有封存藩庫及伊塔道庫所存十八萬兩連前可得四十萬兩

陝督崧蕃電信 甘省釐金並節省各項每年可得十二萬兩



閩督許應騷電信

擬創辦閩浙烟酒等捐每年可得十餘萬兩

滇督丁振鐸電信

雲南防餉尙存三十餘萬兩庫款湊十萬兩共

得四十萬兩

晉撫岑春煊電奏

擬率同山西藩臬兩司報効五萬兩加收釐捐

十三萬兩裁驛站費十萬兩共湊成三十萬兩

粵督陶模電信

廣東認籌一百二十萬兩整頓鹽務十數萬兩

蘇撫聶緝槩電信

江蘇擬設措四十萬兩備撥

川督奎俊電信

四川擬加肉捐二十萬兩加鹽釐二十萬兩裁營

局十萬兩

贛撫李興銳電信

江西無款可籌

劉坤一  
樞垣俄既  
同索款亦  
應同撤兵

## 二十四日 駐蹕西安府城

懿旨聞出洋華商子弟就近游學者頗多可造之才着各出使大臣留心察看如有在外洋大書院肄業精通專門之學領有憑照或著有成書者准由各使臣認真考試分別等第咨送回華由政務處奏請簡派大臣按其所學分門考試擬取後帶領引見聽候錄用賜以進士舉人貢生各科目將來著有實在勞績即宜量予擢用所有考送章程及考取姓名籍貫年齡著分別資送各衙門查照

## 二十五日 駐蹕西安府城

劉坤一電信 箇電悉查改約中第四條滿洲兵數及駐兵地方仍須與俄商定第五條將軍辦事不合邦交經俄聲訴即須調離第八條東

請全權勿  
再偏決電

西巡大事記卷八

五四

料附刊之一

三省路鑛等項利益非先與俄商明不允讓與他國人則是事事聽命於俄我自主之權盡失矣至第十二條俄自幹路或枝路造一路至直隸滿洲交界處之長城爲止其計甚毒其事尤危此約若行則東三省地還猶未還俄隊退猶不退各國聞有此約莫不譁然競思效尤一經畫押卽敗瓜分之漸不僅失東三省也江鄂所以堅持各疆吏各駐使皆以爲然者誠不忍坐視祖宗發祥之地淪爲異域全國權利爲各國分佔非故與全權爲難也日本深慮唇亡齒寒不得不與我合力中俄強弱不敵亦不能不引日本爲援全權始終爲俄所愚而謂江鄂爲日本所愚乎此事以俄約是否有礙主權不至效尤爲斷若有此二害則力阻畫約未爲失計全權於江鄂似有意見時艱至此雖戮力効忠尤

奕劻李鴻  
章致樞垣

慮不能補救何可自相水火置國事於不顧此次賠款惟俄獨多聲明東三省鐵路等費在內既在公約內同索賠款自應與聯軍一同撤兵且係請照會領袖公使並非專商俄使本係正辦未爲謬論商而不允再作計議先不肯商其謂之何擬請仍電全權照會領袖勿再偏執至禱坤養

## 二十六日 駐蹕西安府城

奕劻李鴻章電信 醇親王定於二十七日由京起程赴滬比使來請醇王便道赴該國擬即照准告知醇王矣

## 二十七日 駐蹕西安府城

奕劻李鴻章電信 接楊儒電信西藏遣使赴俄俄主接以頭等之禮

俄約不盡  
聞蒙古投  
誠於俄電

云云查吳王克託前曾密告蒙古各部往俄投誠俄主不允今西藏倡  
首先往順俄無論英人必不甘心西藏終非我有此皆俄約不盡階之  
厲也

二十八日 駐蹕西安府城

松壽電信 前因預備河南府行宮及道路供頓房屋一切由藩庫提  
銀十八萬兩并截留京餉二十萬兩尙屬不敷現又於省城建造行宮  
需銀更鉅請再截留京餉二十萬兩以濟急需

二十九日 駐蹕西安府城

西巡大事記卷八終